

Ein schöner Trostspruch in ster-  
bens Läuſſen zusprechen / auß 282  
H. Schrifft gezogen.

# Der Kranken Warter bin ich genannt.

Wer wil Buß thun / vnd lan von  
Sünden /  
Der wirdt tug in disem Büchlein  
finden.



Veruckt zu Augspurg / bey  
Christoff Mang.

1607.



Ein schöner Spruch  
für die Kranken / sehr  
tröstlich zusprechen.

**I**ns mals ward ich bestelle vñ  
ein/ ter sein/  
Ein Kranken ich solt war-  
Doch daß es gescheh in geheimniß/  
Dz krank Mensch daruß gar nit wußt/  
Solt bey ihm seyn heimlich verborgen/  
Man thet sich einer Hauptsucht sorgen/  
Der Mensch war trawrig vñ zerschlagē/  
Wolt doch sein anlign niemand sagen/  
Sie gaben mir auch zuuerstahn/  
Wans dunckel wurd woltens mich lan/  
Zum Kranken in das Kämmerlein/  
Ganz still solt ich nur bey ihm seyn/  
Solt stillschweigen vnd eben kosen/  
Vnd dem Kranken mit fleiß zulosen/  
Ob ich doch mercket vngefahrt/  
Warmit d' Krankel nur werd beschwert/  
Gleich ward mir auch verbotten sehr/  
Daß ich vom Kranken nit geh mehr/

Er wolt dann auß der Kammer weichen/  
 So solt ich ihm heimlich nach schleichen/  
 Doch das ich nit auß der hüt ließ/  
 Ich that mit fleiß was man mich hieß/  
 Ich schmuckte mich in ein Ecklein/  
 Da nit hin reicht des Lichtes schein/  
 Der Kranck macht sich nackter vnd bloß/  
 Seuffzen ließ er schwer vnd groß/  
 Schlag mit d Hand dan auß vnd nider/  
 Ich dacht kämen die Leut bald wider/  
 Man dorfft nit sorgen daß ich schlieff/  
 Ich sah daß er vom Beth nit lieff/  
 Am Beth er hin vnd wider saß/  
 Jetzt redt er diß dann wider das/  
 Wie ich ein zeitlang sitz beim Krancken/  
 Hebt er im Beth mit Gott an zanken/  
 Vnd sagt/ O Gott in deinem Reich/  
 Wie steht mein sach so jämerleich/  
 Ich glaub es sey kein Mensch auff Erde/  
 Der also thu geängstigt werden/

Psalm. 38. 51.

Ya all mein krafft mir schier entgah/  
 Vor vile meiner Wisserhat/

Bil schwerer Sünd hab ich gethan/  
Wie werd ich vor deinem angesicht bskahn.

Psalm. 137. Esa. 6.

Das wunsam ist / heilig vnd rein/  
Der größte Sünder bin ich allein/  
Bil guts auff Erd hast du mir gethan/  
Deß ich dir nicht gedancket han/  
Ich bin / wie ich bey mir selbs find/  
Leider ein böß vnd danckbar Kind/  
Grosser Straff bin ich wol werth/  
Straff mich auß gnad allhie auff Erd.

Psalm. 6. 51.

Verwirff mich nit in deinem Zorn/  
Dann in Sünden bin ich geborn/  
Mein Mutter hat mich drin empfangan/  
Bil grosser Sünd hab ich begangan/  
Kein freud noch rhu ich bey mir finde/  
So zaghafft macht mich meine Sünd/  
Ich schrey vnd heul auß herken begir/  
Mein Seel die ist berrübt in mir.

Psalm. 42. 25.

Groß ist die Angst in meinem herken/  
Vor bitterkeit / kummer vnd schmerken/

Psalm. 69.

O Herr die tieffe Wasserquell/  
Die Sünd kommen biß an mein Seel.

Psalm. 142.

Vor heulen/schreyen/klagen/weinen/  
Verschwind mirs marek auß mein veine.

Psa!m. 49. 88.

Der Hellen schmerzen hat mich troffen/  
In verzweiffung bin ich versoffen.

Jone 2. Psalm. 31.

Mit forcht vnd angst bin ich vmbgeben/  
Daß mich verdreucht auff Erd zuleben.

Job. 3.

Warumb hat mich mein Mutter geborn/  
Ich sorg doch schler ich sey verlorn/  
Ach Gott das erwar zu mir kãm/  
Der solch verzweiffung von mir nãm.

Psalm. 69.

Ich such wol trost find aber kein/  
Mit Blut solt ich mein Sünd beweinen/  
So vil ist metner Missethat/  
Daß meiner Seel wirdt nimmer rath.

¶ Ich saß sein still an meinem orth/  
Vnd loset zu des Krancken wort/

Wie

Wie er thet schreyen vnd gelffen/  
 Dacht wie soll ich dem Menschen helffen/  
 Er ist kleinmütig vnd verzagt/  
 Wer noch daß ich ihm trost zusagt/  
 Ich bin drum zu ihm bestellt woll/  
 Daß ich ihm tröstung geben soll/  
 Die weil er ligt in solcher noth/  
 Wil ihm sagen des Herren wort/  
 Ich seh er hat ein schwach Gemüt/  
 Sihe sag ihm von des Herrn Güt/  
 Die weil er hat guten verstand/  
 Ich nam den Menschen bey der Hand/  
 Vnd sprach/ O gliebter Bruder mein/  
 Du solt nit so kleinmütig seyn/  
 An der gnad Gottes verzage nit/  
 Hör mich/wil dir trost theilen mit/  
 Vnd soll nit gehn auß meinem Mund/  
 Es muß haben in der Schrifft grund.

Jerem. 23.

Wanns wort Gottes ein Hammer ist/  
 Das die harten Felsen zerknist/  
 Wilt du dich nit erweichen lan/  
 Vor Gott wil ich die schuld nit han/

Deinem vnglauben leg ichs zu!  
 Darmit ich meinen Mund auff thu.

Hebr. 11.

Es ist vnmöglich dem der glaubt!  
 Daß er von Gott nit werd begabt.

Genes. 15. Rom. 4.

Dann Abraham der war ein Heide!  
 Noch gibt vns die Schrifft den bescheide!  
 Bald er Gottes wort glaubt/ als ich find!  
 Ward er rechtfertig von der Sünd!  
 Der Herz ist gut/ das nimb für dich/  
 Seine Güte weret ewiglich.

Psal. 103.

Barmherzig/ gnädig ist der Herz!  
 Darumb O Mensch dich zu ihm lehr!  
 Er ist langmütig sanfft vnd mildt!  
 Das wort dir wol in dein Herz bildt.

Es. 143. 53.

Ich ich Gott durch sein wort verkündt!  
 Wil außtilgen all deine Sünd!  
 Vnd wil ihr nimmermehr gedencken/  
 An die zusagung solt du dich henccken/  
 Ob du hettest mein liebes Kind!  
 Auff Erd gethan aller Welt Sünd!



Verzeiht dir's Gott merck eben/  
 Wann du sein wort thust glaubt geben/  
 Gang auß von dir vnd dein Sünden/  
 Thu dich auff Jesum Christum gründe.

Hebr. 9. 10.

Er hat ein Dpffer gethan für dich/  
 Am Creuz das weret ewigklich/  
 Vñ nit allein für dich/die gschripte meldet/  
 Auch für die Sünd der gansen Welt.

1. Joh. 2. Joh. 1.

Nach demselben ich dich erman/  
 Ruff Jesum Christum trössllich an.

Rom. 3. Hebr. 5.

Dann zum Gnadenstul ist er bereit/  
 Tritt nun zu ihm mit Frewdigkeit/  
 Daz er dir helff auß noth vnd pein/  
 Am tag/ so dir hilff noth wirdt seyn.

Ezech. 18. 33.

Im alten Gesah spricht Gott der Herz/  
 Des Sünders todt ich nicht beger/  
 Ich wil daz er lebendig bleib/  
 Vnd sich von seinen Sünden scheid.

Matth 11.

Christus der spricht/ komet all herbey/  
 Was hie mit Sünden beladen sey/

Ich wil euch Leib vnd Seel erquickten/  
 Darumb solt du dich zu ihm schicken/  
 Er ist das Lamb Johann bestimpt/  
 Das der ganzen Welt Sünd hinnimbt/  
 Von ihm thue Esayas sagen/  
 Aller Welt Sünd hab er getragen/

1. Petr. 2.

Ja auff dem Holz/ wie Petrus spricht/  
 Darcin setz all dein zuuersicht/  
 Er ist vmb's Sünders willn kommen/  
 Mit dem gerechtten noch dem frommen.

Matth. 9. Luc. 5.

Mit dem gesunden / sonder dem Krancken/  
 Darumb solt du dem Herrn danken.

Joh. 14.

Dann niemand kan zum Vatter komen/  
 Dann durch ihn wirdt d'lehr vernommen.  
 Psalm. 117. Esa. 8. 1. Petr. 2.

Er ist der Grundfels vnd Eckstein/  
 Durch ihn kombt man zu Gott allein.

1. Timoth. 1.

Paulus spricht an einem ort/  
 Das ist ein tewres werthes wort/  
 Das Jesus Christus der da meldet/  
 Kommen ist in dise Welt/

Vmb

Umb der armen Sünder willen/  
 Dieselb zahlt ehust du auch erfüllen/  
 Kein Sünder ist zu Christo kommen/  
 Er hat hilff vnd trost von ihm genomen.

Luce 19.

Zacheus war ein Sünder groß/  
 Christus macht ihn von Sünden los/  
 Alsoald ers ließ vnd ihn bekennet/  
 Wirdt er Abrahams Sohn genennet/  
 Ja Petrus ein Apostel zwar/  
 War bey Christo wol vierdthalb Jar.

Matth. 27.

Der fiel in solche Wißschat/  
 Daß er sein Herrn verlaugnet hat/  
 Schwört frey ein Eyde wie Gschriffte für/  
 wendet!

Er hab Christum noch nie erkennenet  
 Darauff er seine Sünd beweinet/  
 Christus sich gleich mit ihm vereinet.

Johan. 12.

Setzt ihn hernach zum Hirten ein/  
 Uber sein Gmein vnd Schäfelein/  
 Der Mörder so bey Christo hieng/  
 Umb seine That sein Lohn empfieng.

Luc.

Luc. 23.

Als bald er sich zu Christo wendet/  
 Vnd ihn auch seinen Herren nennt/  
 Spricht Herz von herzen trawrigleich/  
 Gedencf heut mein in deinem Reich/  
 Thut er ihm auff der gnaden Schrein/  
 Vnd spricht du solt heut bey mir seyn/  
 Im Paradeis/vermerck vnd sich/  
 Vnd in mein Reich dort ewiglich/  
 Thu ihm wie der Schächer zu diser frist/  
 So erlangst du gnad von Jesu Christ.

Luc. am 7.

Laß dich dein Sünd von herken rewen/  
 So hilfft er dir daruon mit trewen.

Zach. 1.

O Mensch/sage Gott/kehr dich zu mir/  
 So wil ich mich kehren zu dir.

Psal. 103. 106. 107. 108. 118.

Dann gütig/gnädig ist der Herz/  
 Darumb O Mensch dich zu ihm kehr/  
 Verhoff in sein Barmherzigkeit/  
 So wirdt sie dir gwißlich erzeigt/  
 Sein Zorn wert nur ein augenblick/  
 Darumb O Mensch nit gar erschrick.

Dse.

Dse. 14.

Vnd sprich mit mir / wie gschriben stahet/  
Verzeih mir Herz mein Missethat.

Psalm. 40. 69. Heb. 13.

Die ich auff Erden hab gethan/  
Vnd nimb mich gnädiglichen an/  
So sollen dir die Lessken mein/  
Immer vnd ewig danckbar seyn.

Psalm. 51.

Dasselb soll seyn mein Dyffer zwar/  
Das ich dir leg auff dein Altar/  
Wann du solchs thust hab gut gelingen/  
Gott werde dein abkehr widerbringen.

Psalm. 78. Esa. 54.

Wirdt seinen Zorn von dir abwenden.  
Wie gschriffte bezeugt an gar vil enden.

Marc. 1. Rom. 1. 10.

Drauff sagt die gschriffte / das ist die sunn/  
Wer glaubt dem Euangelium/  
Derselb wirdt rein von seinen Sündn/  
Thut Paulus zu Römern verkündn.

Joh. 1. 3. 5. 6. 7. 8. 12.

Wer Christo glaubt / seim wort vertraut/  
Derselb hat auff den Felsen gbowt/

Wer

Wer seinen glauben auff Christum setzt/  
Kein Windwübel ihn nit verlegt.

March. 7.

Er wirdt bleiben vnd wol bestehn/  
Diß das Wetter wirdt fürüber gehn.

Psal. 18.

Er ist das Schloß/die Bura vnd Vest/  
Darauff ein jeder glaubig räst.

Joh. 14.

Er ist der Weg vnd die Warheit/  
Zam leben vnd zur Seligkeit/  
Er ist dem aller Gewalt gegeben/  
Im Himmel vnd auff Erd merck eben.

Johan. 20.

Zu demselben du dich einkehr/  
Bnd sprich mein trewer Gott vnd Herr/  
Was ich auff Erd gesündigt hab/  
Dasselb wäscht mir dein leyden ab.

1. Johan. 1.

Dein Blut reinigt mich von der Sünd/  
Damit ich werd ein Gottes Kind.

Johan. 1. Luc. 23.

Herr Jesu König vnd Heiland/  
In meinem ellend thu mir beystand.

1. Johan. 4.

Dann ich bitt dich von herzen sehr/  
Den wahren Glauben bey mir mehr.

Psalm. 84.

Vnd hilff mir auß dem Jamerthal/  
Zu dir in dein Königl. Saal/  
Da sind ich fremd vnd wahre Ruh/  
Sag mir dein Mund warhafftig zu/  
Demselben wirdt ich glauben geben/  
Darauf mir folgt das ewig Leben/  
Dann welcher glaubt in Christus Namē/  
Der wirdt selig/ ist gwiß vnd Amen.

Mein Gott vnd Herz/  
Dein sey die Ehr/  
Mit schand vnd spott/  
Dir lob mein Gott.

E N D E.



Der  
hen  
siene  
g  
Auf  
ur ch  
la  
S